

蜀山靈秀屬凌雲水木清華遠俗氛九頂煙中鸞鳳嘯仙音不與世間聞

鶴鳴山

沽酒臨邛入翠微穿崖客負白雲歸逍遙廿四神仙洞石鶴欣然嘯且飛

贈完璞子見訪武當

如吾子者仙豪也跨虎龍兮壯士哉天下往還扶日月劍端游戲喝雲雷戰場三奪高照氣談笑兩羞廣孝才今日勸君歸洞府嬰兒還要產嬰孩

贈王先生歌

建文臣也

道藏輯要

三丰全集

古今詩類

三

續畢集九

王先生忠義全自號大呆子亦曰性天然埋名隱性如瘋癲或住玉華邱壑內或住金華山澤邊山邊村落時來往士人詩酒相周旋醉後出神思故主兩眼汪汪哭向天平常衣服與人異披麻戴笠心事傳先生間與野人言死後將吾繫樹顛得非地無乾淨土一心願做鶴巢仙

答永樂皇帝

皇帝陛下福德無疆臣本野夫於時無益荷蒙宸翰屢下太和車馬數馳猿鶴相訝伏願陛下澄心治理屏欲崇德民福主福民壽主壽方士金石勿信爲佳恭進一詩乞賜一覽外附口歌三章皆係山人祛欲修身之道